



Broj: 01-50-1-15-84/05  
Sarajevo, 29. augusta 2006.

### **ZAPISNIK**

84. sjednice Predstavničkog doma  
Parlamentarne skupštine Bosne i Hercegovine,  
održane 29. augusta 2006.

Sjednica je počela u 10 sati. Prisustvovalo je 39 poslanika.  
Opravdano su odsustvovali: Vinko Zorić, Dušanka Majkić i Mirko Blagojević.

Iz Vijeća ministara BiH prisustvovali su: ministri Safet Halilović, Ljerka Marić i Branko Dokić.  
Sjednici su prisustvovali i predstavnici Ombudsmena za ljudska prava u BiH i Udruženja deviznih štediša.  
Iz međunarodnih organizacija sjednicu su pratili predstavnici OHR-a i OSCE-a.

U uvodnim napomenama predsjedavajući Doma Martin Raguž upoznao je poslanike s dopunama predloga dnevnog reda koje su usaglašene na Kolegiju i Proširenom kolegiju. Naveo je tačke koje su uvrštene u predlog dnevnog reda koji su poslanici dobili na početku sjednice

U raspravi o predlogu dnevnog reda **Zlatko Lagumdžija** podržao je predlog Kluba Stranke za BiH za donošenje Zakona o izmjenama i dopunama Zakona o državljanstvu, što je predloženo kao 21. tačka dnevnog reda, naglasivši da je nedopustivo da problematika koja se tim zakonom predlaže nije do sada riješena. U tom kontekstu predložio je da se iza ove tačke u dnevni red uvrsti zahtjev Kluba poslanika SDP-a da predsjedavajući Vijeća ministara BiH smijeni ministra civilnih poslova ukoliko on sam, poslije ovoga, ne podnese ostavku zbog dosadašnjeg neadekvatnog odnosa prema Zakonu o državljanstvu.

**Beriz Belkić** odgovorio je da nije tačno da resorno ministarstvo, kao i poslanici, u više navrata nije pokušalo riješiti sporna pitanja, ali da takve inicijative nisu prošle, te da će oni, stoga, biti protiv predloga Zlatka Lagumdžije.

Ministar **Safet Halilović** također je učestvovao u diskusiji u vezi s prijedlogom Zlatka Lagumdžije. Rekao je da je Ministarstvo civilnih poslova 25. maja 2004. uputilo prijedlog za izmjene i dopune Zakona o državljanstvu, ali taj prijedlog nije prošao proceduru u Vijeću ministara BiH.

Poslije rasprave predsjedavajući Martin Raguž dao je na glasanje prijedlog Zlatka Lagumdžije za dopunu dnevnog reda.

"Za" prijedlog je glasalo 13, "protiv" 19, "uzdržano" pet poslanika.

Predsjedavajući je konstatirao da prijedlog nije dobio većinu, te da 84. sjednica ima sljedeći

### **DNEVNI RED**

1. Zapisnik sa 83. sjednice Predstavničkog doma;
2. Poslanička pitanja i odgovori;
3. Izvještaj Komisije Kolegija o nastojanju za postizanje sporazuma o Prijedlogu zakona o izmjeni Zakona o koncesijama Bosne i Hercegovine (Zakon u drugom čitanju, predlagač: poslanik Jelina Đurković);
4. Izvještaj Komisije Kolegija o nastojanju za postizanje sporazuma o zahtjevu Vijeća ministara BiH za razmatranje Prijedloga zakona o dopunama Zakona o komunikacijama BiH po hitnom postupku, u skladu s članom 105. Poslovnika;
5. Izvještaj Komisije Kolegija o nastojanju za postizanje sporazuma o zahtjevu Vijeća ministara BiH za razmatranje Prijedloga zakona o izmjenama i dopunama Zakona o Vijeću ministara BiH po hitnom postupku, u skladu s članom 104. Poslovnika;

6. Izvještaj Komisije Kolegija o nastojanju za postizanje sporazuma o Izvještaju Komisije za finansije i budžet o Prijedlogu zakona o dopuni Zakona o porezu na dodatu vrijednost (predlagač Zakona: Savjet ministara BiH),
7. Izvještaj Komisije Kolegija o nastojanju za postizanje sporazuma o Prijedlogu zakona o izmjenama Zakona o Državnoj graničnoj službi Bosne i Hercegovine (Zakon u prvom čitanju);
8. Izvještaj Komisije Kolegija o nastojanju za postizanje sporazuma o Prijedlogu zakona o izmjenama i dopunama Zakona o izmirenju obaveza po osnovu računa stare devizne štednje (Zakon u prvom čitanju – predlagač: poslanik Tihomir Gligorić);
9. Izvještaj Komisije Kolegija o nastojanju za postizanje sporazuma o prijedlogu zaključka poslanika Kluba Stranke za BiH za formiranje komisije za ispitivanje stradanja civila na području Opštine Prijedor u periodu od 1992. do 1995.;
10. Izvještaj Komisije Kolegija o nastojanju za postizanje sporazuma o prijedlogu zaključka poslanika Filipa Andrića o obustavljanju daljnjih prijema novih službenika i zaposlenika u svim ministarstvima do rekonstruiranja vlasti nakon oktobarskih izbora;
11. Zahtjev Vijeća ministara BiH za razmatranje Prijedloga zakona o usvajanju Zakona o izmjeni i dopuni Zakona o ustupanju predmeta od Međunarodnog krivičnog suda za bivšu Jugoslaviju Tužilaštvu Bosne i Hercegovine i korištenju dokaza pribavljenih od Međunarodnog krivičnog suda za bivšu Jugoslaviju u postupcima pred sudovima u Bosni i Hercegovini po hitnom postupku, u skladu s članom 105. Poslovnika;
12. Zahtjev Vijeća ministara BiH za razmatranje Prijedloga zakona o usvajanju Zakona o izmjenama i dopunama Zakona o krivičnom postupku BiH po hitnom postupku, u skladu s članom 105. Poslovnika;
13. Zahtjev Vijeća ministara BiH za razmatranje Prijedloga zakona o izmjenama i dopunama Zakona o Vijeću ministara BiH po hitnom postupku, u skladu s članom 105. Poslovnika;
14. Zahtjev Doma naroda Parlamentarne skupštine Bosne i Hercegovine za razmatranje Prijedloga zakona o izmjeni i dopuni Zakona o osnovama sigurnosti saobraćaja na putevima u BiH po hitnom postupku, u skladu s članom 105. Poslovnika;
15. Zahtjev poslanika Seada Avdića za razmatranje Prijedloga zakona o izmjenama i dopunama Izbornog zakona BiH po hitnom postupku, u skladu s članom 105. Poslovnika;
16. Zahtjev Vijeća ministara BiH za razmatranje Prijedloga zakona o izmjenama i dopunama Zakona o Vijeću ministara BiH po hitnom postupku, u skladu s članom 104. Poslovnika;
17. Zahtjev Vijeća ministara BiH za razmatranje Prijedloga zakona o prekršajima po hitnom postupku, u skladu s članom 104. Poslovnika;
18. Zahtjev Vijeća ministara BiH za razmatranje Prijedloga zakona o radijacijskoj i nuklearnoj sigurnosti u Bosni i Hercegovini po hitnom postupku, u skladu s članom 104. Poslovnika;
19. Zahtjev Vijeća ministara BiH za razmatranje Prijedloga zakona o izmjenama i dopunama Zakona o osnovama sigurnosti saobraćaja na putevima u BiH po hitnom postupku, u skladu s članom 104. Poslovnika;
20. Zahtjev poslanika Vinka Zorića, Ruže Sopte i Filipa Andrića za razmatranje Prijedloga zakona o visokom obrazovanju i naučnoj djelatnosti u BiH po hitnom postupku, u skladu s članom 104. Poslovnika;
21. Zahtjev poslanika Beriza Belkića za razmatranje Prijedloga zakona o izmjenama i dopunama Zakona o državljanstvu BiH po hitnom postupku, u skladu s članom 104. Poslovnika;
22. Zahtjev poslanika Seada Avdića za razmatranje Prijedloga zakona o radu i zapošljavanju u Bosni i Hercegovini po hitnom postupku, u skladu s članom 104. Poslovnika;
23. Zahtjev Vijeća ministara BiH za razmatranje Prijedloga zakona o izmjenama i dopunama Zakona o centralnoj evidenciji i razmjeni podataka po hitnom postupku, u skladu s članom 104. Poslovnika;
24. Prijedlog zakona o lijekovima i medicinskim sredstvima u Bosni i Hercegovini (prvo čitanje);
25. Prijedlog zakona o izmjeni Zakona o Centralnoj banci Bosne i Hercegovine, s Izvještajem Komisije za finansije i budžet (predlagač: poslanik Jelina Đurković);
26. Prijedlog zakona o izmjenama i dopunama Zakona o porezu na dodatu vrijednost, s Izvještajem Komisije za finansije i budžet (predlagači: poslanici Kluba SDS-a),
27. Odluka o predmetu, obimu i vrsti koncesije u svrhu izgradnje autoputa na Koridoru Vc;
28. Izvještaj o radu Zajedničke sigurnosno-obavještajne komisije za nadzor nad radom Obavještajno-sigurnosne agencije BiH za period april 2004 – juli 2006.;
29. Izvještaj Administrativne komisije Predstavničkog doma za period od 1.1. do 30.6.2006.;
30. Godišnji izvještaj Ombudsmena za ljudska prava u Bosni i Hercegovini za 2004. godinu;

31. Specijalni izvještaj Ombudsmena za ljudska prava u Bosni i Hercegovini u vezi s usklađenošću Zakona o krivičnom postupku s članom 14. stav 5. Međunarodnog pakta o građanskim i političkim pravima;
32. Specijalni izvještaj Ombudsmena za ljudska prava u Bosni i Hercegovini u vezi sa Zakonom o utvrđivanju i načinu izmirenja unutrašnjeg duga Republike Srpske i Zakona o utvrđivanju i načinu izmirenja unutrašnjih obaveza Federacije Bosne i Hercegovine;
33. Informacija o izdatim dozvolama za izvoz/uvoz oružja i vojne opreme u 2005.;
34. Izvještaj Istražne komisije za utvrđivanje stepena zagađenja hidroekosistema u BiH,
35. Potvrđivanje Pravilnika o međunarodnim aktivnostima Parlamentarne skupštine BiH;
36. Prijedlog Vijeća ministara BiH za imenovanje člana Ureda za razmatranje žalbi – stručnjak iz oblasti javnih nabavki;
37. Davanje saglasnosti za ratifikaciju Sporazuma između Bosne i Hercegovine i Republike Slovenije o izbjegavanju dvostrukog oporezivanja i sprečavanja utaje poreza u odnosu na poreze na dohodak i imovinu;
38. Prijedlog rezolucije (podnosilac: poslanik Mirsad Sipović).

### **Ad. – 1. Zapisnik 83. sjednice Predstavničkog doma**

Beriz Belkić primijetio je da je u Zapisniku napravljena tehnička greška, tj. da su u tački 8. Prijedlog zakona o izmjeni Zakona o osnovama sigurnosti saobraćaja, predlagača Milorada Živkovića, navedeni samo učesnici rasprave, a da nije navedeno kakav je krajnji ishod o tom prijedlogu.

Predsjedavajući je zatim Zapisnik dao na glasanje, uz primjedbu Beriza Belkića, naglasivši da se izvrši uvid u transkript sjednice i Zapisnik dopuni.

Zapisnik je usvojen jednoglasno.

### **Ad – 2. Poslanička pitanja i odgovori**

Predsjedavajući Martin Raguž konstatirao je da su od 82. do 84. sjednice odgovore na pitanja dobili: Dušanka Majkić, Selim Bešlić, Miloš Jovanović, Ljiljana Milićević, Petar Kunić i Mirsad Sipović.

Odgovore na pitanja komentirali su Mirsad Sipović i Ljiljana Milićević.

Nova pitanja postavljena su kako slijedi:

#### **Šefik Džaferović:**

Podsjetio je da je na 82. sjednici postavio pitanje Predsjedništvu BiH, Vijeću ministara BiH i resornim ministarstvima i tražio da obavijeste Dom šta su uradili po pitanju Udruženja građana otpuštenih radnika iz Republike Hrvatske «UGOR» Jelah – Tešanj. «Ja, inače, nakon što stigne bilo kakav odgovor od ovih institucija, imam namjeru – ako ne ja u ovom sazivu, onda kasnije sigurno neko u ime moje stranke u narednom sazivu, zahtijevati parlamentarnu raspravu o ovoj temi. Ovo je vrlo ozbiljan problem i nije jedini problem koji Bosna i Hercegovina ima kada su u pitanju prava naših građana koja su ostvarili u republikama bivše Jugoslavije.»

#### **Mladen Potočnik:**

«Ja imam jedno pitanje za Vijeće ministara BiH. Zašto se uvode samo dva nova ministarstva u Vijeću ministara? Šta je s ministarstvima za obrazovanje, klaturu i sport i ministarstvom zdravlja i socijalne zaštite? Kad radite promjene, radite ih cjelovito i svrsishodno».

#### **Tihomir Gligorić:**

«Kada će Vijeće ministara BiH ispitati da li je bilo nepravilnosti u procesu biranja i imenovanja direktora Uprave za indirektno oporezivanje i o tome obavijestiti Ombudsmene? (Obraloženje u prilogu)

#### **Selim Bešlić:**

Šta je do danas Vijeće ministara BiH uradilo po pitanju preduzetih aktivnosti na realizaciji zaključaka Predstavničkog doma sa 59. sjednice, održane 29.6.2005., i 73. sjednice, održane 30.1.2006., a povodom razmatranja Izvještaja Komisije za ljudska prava, imigraciju, izbjeglice i azil o rezultatima rješavanja predstavke Udruženja decertificiranih policajaca?» (Obrazloženje u prilogu)

**Mirsad Sipović:**

Pokrenuo je sljedeće inicijative:

1. da Vijeće ministara BiH i resorno ministarstvo u parlamentarnu proceduru dostave prijedlog zakona o sportu po hitnom postupku, u skladu s članom 105. Poslovnika,
2. da se u parlamentarnu proceduru dostavi prijedlog zakona o advokaturi, ili da se njemu dostavi radni materijal kako bi on bio predlagač tog zakona,
3. da Ustavno-pravna komisija Predstavničkog doma i Ustavno-pravna komisija Doma naroda, zajedno s Ministarstvom pravde i Visokim sudskim i tužilačkim vijećem, organiziraju javnu raspravu o reformi pravosuđa,
4. od Vijeća ministara BiH i od Predsjedništva BiH zatražio je da iniciraju, zauzmu stav i odgovore u kojoj je fazi lobiranje i koliko je izvjesno da Bosna i Hercegovina napokon uđe u Partnerstvo za mir, a poslije toga u punopravno članstvo NATO-a, s obzirom na samit NATO-a u Rigi u 11. mjesecu, te inicirao da Dom zauzme politički stav, odnosno eventualno usvoji neku rezoluciju.

**Milorad Živković:**

«U Budžetu BiH za 2006. za poslove oko pripremanja popisa stanovništva predviđeno je 500.000 KM. Pitam:

1. Da li su počele pripreme za popis stanovništva i kako su do danas utrošena sredstva za ovu namjenu predviđena u Budžetu?
2. Šta se dešava sa Zakonom o popisu stanovništva, stanova i poljoprivrednih dobara, upućenim Ministarstvu civilnih poslova 2004. godine?

**Filip Andrić:**

«Šta namjerava učiniti Vijeće ministara BiH kako bi omogućilo đacima u Bugojnu (Hrvatima) obrazovanje na hrvatskom jeziku, s obzirom da su nadležni organi u Bugojnu ukinuli tri odjeljenja u Osnovnoj školi u Bugojnu u kojima se do sada izvodila nastava na hrvatskom jeziku i koja su radila prema hrvatskom nastavnom planu i programu?»

**Mirsad Ćeman:**

Kolegiju Predstavničkog doma i Kolegiju Doma naroda, sekretarima oba doma, sekretaru Sručne službe i INDOK službi Parlamentarne skupštine BiH uputio je inicijativu:

"Pripremiti i publikovati zbirku zapisnika Parlamentarne skupštine BiH (oba doma) za sve dosadašnje mandate od 1996. do 2006. godine. Forma: knjiga (svezak) za svaki mandat posebno i u elektronskoj formi (CD), također za svaki mandat.

Obrazloženje:

Realizacija ove inicijative bila bi značajan doprinos dokumentarističkoj funkciji, pa i obavezi Parlamentarne skupštine BiH i njenih stručnih službi. S obzirom da svi zapisnici već postoje u pisanoj, ali i u elektronskoj formi (u računaru), priprema i izdavanje publikacije i CD-a se može lako i uz mala finansijska sredstva realizirati. Nakon publikovanja, zbirke s CD-ovima treba dostaviti poslanicima iz svih obuhvaćenih mandata, odnosno njihovim porodicama. Ubuđuće, odmah nakon isteka mandata trebalo bi redovno izdavati ove publikacije."

**Ibrahim Đedović:**

«1. Kakav je formalno-pravni status Sporazuma između Kraljevine Jugoslavije i Austro-Ugarske, čiji su pravni sljednici Bosna i Hercegovina i Austrija, a odnosi se na omogućavanje školovanja – studiranja bh. državljana u Austriji pod vrlo povoljnim uvjetima.

2. Planira li Bosna i Hercegovina produžiti spomenuti sporazum?

Obrazloženje:

Više desetina studenata s prostora USK, koristeći spomenuti sporazum, studira u Austriji, a planiraju i mnogi drugi iz generacija koje dolaze. Međutim, sve su glasnjia razmišljanja i tvrdnje da taj sporazum prestaje važiti ove godine, te da samim tim naši državljanj gube prava i mogućnost kvalitetnog školovanja, po povoljnim uvjetima, u Republici Austriji.»

**Ad – 3. Izvještaj Komisije Kolegija o nastojanju za postizanje sporazuma o Prijedlogu zakona o izmjeni Zakona o koncesijama Bosne i Hercegovine (Zakon u drugom čitanju, predlagač: poslanik Jelina Đurković)**

Predsjedavajući je podsjetio da nije u Kolegiju kao komisiji postignuta saglasnost o Prijedlogu zakona o izmjeni Zakona o koncesijama, pa je pozvao poslanike na drugi krug glasanja.

U drugom krugu glasanja "za" Prijedlog zakona glasalo je 11, "protiv" 15, "uzdržana" četiri poslanika.

Predsjedavajući je konstatirao da Prijedlog zakona nije dobio većinu i da je pao u drugom čitanju.

**Ad – 4. Izvještaj Komisije Kolegija o nastojanju za postizanje sporazuma o zahtjevu Vijeća ministara BiH za razmatranje Prijedloga zakona o dopunama Zakona o komunikacijama BiH po hitnom postupku, u skladu s članom 105. Poslovnika**

Predsjedavajući je konstatirao da je Kolegij postigao saglasnost o zahtjevu Vijeća ministara BiH da se Prijedlog zakona razmatra po članu 105. Poslovnika, pa je zatim Prijedlog zakona dao na glasanje.

S 28 glasova "za" i dva glasa "udržan" usvojen je Zakon o dopunama Zakona o komunikacijama Bosne i Hercegovine.

**Ad – 5. Izvještaj Komisije Kolegija o nastojanju za postizanje sporazuma o zahtjevu Vijeća ministara BiH za razmatranje Prijedloga zakona o izmjenama i dopunama Zakona o Vijeću ministara BiH po hitnom postupku, u skladu s članom 104. Poslovnika**

Predsjedavajući je konstatirao da je Kolegij postigao saglasnost i da će se, u skladu s Poslovnikom, Prijedlog zakona o izmjenama i dopunama Zakona o Vijeću ministara BiH razmatrati po članu 104. Poslovnika.

**Ad – 6. Izvještaj Komisije Kolegija o nastojanju za postizanje sporazuma o Izvještaju Komisije za finansije i budžet o Prijedlogu zakona o dopuni Zakona o porezu na dodatu vrijednost (predlagač Zakona: Vijeće ministara BiH)**

Predsjedavajući je podsjetio da u Kolegiju kao komisiji nije bilo saglasnosti o Izvještaju Komisije za finansije i budžet, pa je Izvještaj Komisije dao na glasanje u drugom krugu.

U drugom krugu glasanja "protiv" Izvještaja glasalo je osam poslanika iz Republike Srpske, što je manje od dvije trećine iz entiteta.

Predsjedavajući je konstatirao da je Izvještaj usvojen i da je time pao Prijedlog zakona o dopuni Zakona o porezu na dodatu vrijednost.

**Ad – 7. Izvještaj Komisije Kolegija o nastojanju za postizanje sporazuma o Prijedlogu zakona o izmjenama Zakona o Državnoj graničnoj službi Bosne i Hercegovine (Zakon u prvom čitanju)**

Predsjedavajući Martin Raguž rekao je da u Kolegiju nije postignuta saglasnost ni o Prijedlogu zakona o izmjenama i dopunama Zakona o Državnoj graničnoj službi, pa je proveo drugi krug glasanja o Prijedlogu zakona u prvom čitanju.

"Za" su glasala 23, "protiv" devet poslanika. Iz Republike Srpske "protiv" je glasalo devet poslanika, što je manje od 2/3 iz entiteta, pa je predsjedavajući konstatirao da je Prijedlog zakona usvojen u prvom čitanju.

Zatim je na glasanje dao prijedlog da se prijeđe u drugo čitanje.

Prije glasanja o ovom prijedlogu za riječ se javio Momčilo Novaković. Uz ostalo, rekao je da neće podržati prijedlog da se prijeđe u drugo čitanje zato što nije dobio adekvatan odgovor na pitanje koje je postavio na prošloj sjednici, naglasivši da smatra da je promjena naziva Državne granične službe mnogo ozbiljnije pitanje od formalnog.

U raspravi su dalje učestvovali: Beriz Belkić, Nikola Špirić, Petar Kunić, Momčilo Novaković, Mirsad Sipović, Milorad Živković, Jozo Križanović i Muhamed Moranjkić.

Posije rasprave predsjedavajući je konstatirao da očigledno nema dobre volje za razmatranje predloženog zakona i u drugom čitanju, te da neće insistirati da se o njegovom prijedlogu glasa. Zatim je zaključio rad o ovoj tački dnevnog reda.

**Ad – 8. Izvještaj Komisije Kolegija o nastojanju za postizanje sporazuma o Prijedlogu zakona o izmjenama i dopunama Zakona o izmirenju obaveza po osnovu računa stare devizne štednje (Zakon u prvom čitanju – predlagač: poslanik Tihomir Gligorić)**

Predsjedavajući je podsjetio da nema saglasnosti u Kolegiju kao komisiji o Prijedlogu zakona u prvom čitanju, pa je pozvao na drugi krug glasanja.

Prije glasanja za riječ se javio Tihomir Gligorić, koji je govorio u svojstvu predlagača Zakona i opširno iznio obrazloženje predloženih izmjena, te pozvao poslanike da podrže izmjene Zakona.

U raspravi su učestvovali: Azra Hadžiahmetović, Mirsad Sipović, Filip Andrić, Mladen Potočnik, Ljiljana Milićević, Jozo Križanović, Momčilo Novaković, Marija Perkanović, Šefik Džaferović, Nijaz Duraković, Nikola Špirić i Sead Avdić. U raspravi je, u ime Vijeća ministara, govorila ministrica Ljerka Marić.

Šefik Džaferović predložio je da Dom usvoji zaključak kojim će Prijedlog zakona vratiti Komisiji, da, zajedno sa Savjetom ministara, entitetskim vladama i predstavnicima štetiša, pokuša utvrditi šta sada država maksimalno može ponuditi a da istovremeno ne dovede u pitanju svoje funkcije.

Prijedlog ovog zaključka podržala je većina učesnika rasprave, ali ne i Tihomir Gligorić kao predlagač zakona, koji je insistirao da se Dom prvo izjasni o Prijedlogu zakona u drugom krugu glasanja.

Sekretar Doma Branka Todorović objasnila je način glasanja u drugom krugu, nakon čega je predsjedavajući proveo glasanje.

"Za" Prijedlog zakona glasalo je 15, "protiv" 10, "uzdržano" devet poslanika.

Glasajući "protiv", iz Federacije BiH glasalo je 11 poslanika, što je manje od dvije trećine iz entiteta.

Prema tome, Prijedlog zakona o izmjenama i dopunama Zakona o izmirenju obaveza po osnovu računa stare devizne štednje usvojen je u prvom čitanju.

#### **Ad – 9. Izvještaj Komisije Kolegija o nastojanju za postizanje sporazuma o prijedlogu zaključka poslanika Kluba Stranke za BiH za formiranje komisije za ispitivanje stradanja civila na području Opštine Prijedor u periodu od 1992. do 1995. godine**

Predsjedavajući Martin Raguž podsjetio je da su poslanici dobili Izvještaj o usaglašavanju i da u Kolegiju nije postignuta saglasnost o prijedlogu zaključka.

U ime predlagača zaključka govorila je Senija Kapetanović, a nakon toga je obavljeno glasanje u drugom krugu.

"Za" zaključak je glasalo 25, a "protiv" 10 poslanika.

Predsjedavajući je konstatirao da je "protiv" zaključka glasalo dvije trećine poslanika iz Republike Srpske i da zaključak nije usvojen.

#### **Ad – 10. Izvještaj Komisije Kolegija o nastojanju za postizanje sporazuma o prijedlogu zaključka poslanika Filipa Andrića o obustavljanju daljnjih prijema novih službenika i zaposlenika u svim ministarstvima do rekonstruiranja vlasti nakon oktobarskih izbora**

Predsjedavajući je podsjetio da ni o ovom prijedlogu zaključka nije bilo saglasnosti u Kolegiju kao komisiji, je, pa je proveo drugi krug glasanja.

U drugom krugu glasanja prijedlog zaključka Filipa Andrića nije dobio većinu – "za" je glasalo 10, "protiv" 13, "uzdržano" šest poslanika.

#### **Ad – 11. Zahtjev Vijeća ministara BiH za razmatranje Prijedloga zakona o usvajanju Zakona o izmjeni i dopuni Zakona o ustupanju predmeta od Međunarodnog krivičnog suda za bivšu Jugoslaviju Tužilaštvu Bosne i Hercegovine i korištenju dokaza pribavljenih od Međunarodnog krivičnog suda za bivšu Jugoslaviju u postupcima pred sudovima u Bosni i Hercegovini po hitnom postupku, u skladu s članom 105. Poslovnika**

Zahtjev Vijeća ministara BiH nije dobio entitetsku većinu, ali je postignuta saglasnost u Kolegiju pa je tako zahtjev usvojen.

Zakon je usvojen jednoglasno.

#### **Ad – 12. Zahtjev Vijeća ministara BiH za razmatranje Prijedloga zakona o usvajanju Zakona o izmjenama i dopunama Zakona o krivičnom postupku BiH po hitnom postupku, u skladu s članom 105. Poslovnika**

I zahtjev za hitni postupak iz ove tačke usvojen je postizanjem saglasnosti u Kolegiju, nakon što nije dobio entitetsku većinu.

Zakon je usvojen jednoglasno.

**Ad – 13. Zahtjev Vijeća ministara BiH za razmatranje Prijedloga zakona o izmjenama i dopunama Zakona o Vijeću ministara BiH po hitnom postupku, u skladu s članom 105. Poslovnika**

O ovoj tački diskutirao je Momčilo Novaković. Uz ostalo, upitao je da li je moguće da se na istoj sjednici jedan zakon istog sadržaja nađe na dnevnom redu sa zahtjevom za dvije različite procedure. Rekao je da je on za to da se predložene izmjene zakona izvrše po skraćenom postupku, kao što je prošlo u 5. tački dnevnog reda.

Poslije ove diskusije predsjedavajući je zahtjev za hitni postupak dao na glasanje.

"Za" su glasala 23, "protiv" devet, "uzdržana" dva poslanika.

S obzirom da nije bilo entitetske većine, provedeno je usaglašavanje u Kolegiju, ali nije postignuta saglasnost.

U drugom krugu glasanja "protiv" zahtjeva glasalo je 12 poslanika iz Republike Srpske.

Prema tome, zahtjev za hitni postupak nije usvojen.

Predsjedavajući je konstatirao da Dom može predložene izmjene usvojiti po članu 104. Poslovnika.

**Ad – 14. Zahtjev Doma naroda Parlamentarne skupštine Bosne i Hercegovine za razmatranje Prijedloga zakona o izmjeni i dopuni Zakona o osnovama sigurnosti saobraćaja na putevima u BiH po hitnom postupku, u skladu s članom 105. Poslovnika**

U raspravi o ovoj tački učestvovali su: Momčilo Novaković, Selim Bešlić, Miloš Jovanović, Mirsad Ćeman, Azra Hadžiahmetović i Muhamed Altić.

Zahtjev Doma naroda nije dobio većinu. "Za" je glasalo pet, "protiv" 24, "uzdržana" dva poslanika.

**Ad – 15. Zahtjev poslanika Seada Avdića za razmatranje Prijedloga zakona o izmjenama i dopunama Izbornog zakona BiH po hitnom postupku, u skladu s članom 105. Poslovnika**

Sead Avdić podnio je obrazloženje.

U raspravi su učestvovali: Tihomir Gligorić, Petar Kunić i Mirsad Ćeman.

Prilikom glasanja, zahtjev za hitni postupak nije dobio većinu. "Za" je glasalo 11, "protiv" 17, "uzdržana" četiri poslanika.

**Ad – 16. Zahtjev Vijeća ministara BiH za razmatranje Prijedloga zakona o izmjenama i dopunama Zakona o Vijeću ministara BiH po hitnom postupku, u skladu s članom 104. Poslovnika**

Nije bilo rasprave. Zahtjev za hitni postupak nije usvojen. "Za" je glasalo 20 (Federacija BiH 19, Republika Srpska jedan), "protiv" osam, "uzdržan" jedan poslanik. Poslije usaglašavanja u Kolegiju, u drugom krugu glasanja iz Republike Srpske "protiv" je glasalo 10 poslanika. Prema tome, prijedlog ovog zakona razmatrat će se u redovnoj proceduri.

**Ad – 17, 18. i 19.**

Dom je usvojio zahtjeve Vijeća ministara BiH da se po članu 104. Poslovnika razmatraju:

- Prijedlog zakona o prekršajima,
- Prijedlog zakona o radijacijskoj i nuklearnoj sigurnosti u Bosni i Hercegovini,
- Prijedlog zakona o izmjenama i dopunama Zakona o osnovama sigurnosti saobraćaja na putevima u BiH.

**Ad – 20. Zahtjev poslanika Vinka Zorića, Ruže Sopte i Filipa Andrića za razmatranje Prijedloga zakona o visokom obrazovanju i naučnoj djelatnosti u BiH po hitnom postupku, u skladu s članom 104. Poslovnika**

U raspravi je učestvovao Sead Avdić.

Zahtjev za hitni postupak nije usvojen. "Za" je glasalo sedam, "protiv" 18, "uzdržano" šest poslanika. Prema tome, prijedlog ovog zakona razmatrat će se u redovnoj proceduri.

**Ad – 21. Zahtjev poslanika Beriza Belkića za razmatranje Prijedloga zakona o izmjenama i dopunama Zakona o državljanstvu BiH po hitnom postupku, u skladu s članom 104. Poslovnika**

Beriz Belkić ukratko je obrazložio Prijedlog zakona i zahtjev za proceduru.

Nije bilo rasprave, pa je izvršeno glasanje o zahtjevu.

"Za" je glasalo 17 (Federacija BiH 16, Republika Srpska jedan), "uzdržan" jedan poslanik.

Zbog nedostatka entitetske većine provedeno je usaglašavanje u Kolegiju. Nije bilo saglasnosti.

U drugom krugu iz Republike Srpske "protiv" zahtjeva glasalo je 10 poslanika.

Predsjedavajući je konstatirao da će se i Prijedlog zakona iz ove tačke razmatrati u redovnoj proceduri.

**Ad – 22. Zahtjev poslanika Seada Avdića za razmatranje Prijedloga zakona o radu i zapošljavanju u Bosni i Hercegovini po hitnom postupku, u skladu s članom 104. Poslovnika**

Sead Avdić podnio je obrazloženje.

Također nije bilo rasprave, pa je obavljeno glasanje.

"Za" zahtjev je glasalo 20 (Federacija BiH 18, Republika Srpska dva), "protiv" 10 poslanika.

Nije bilo saglasnosti u Kolegiju. U drugom krugu glasanja iz Republike Srpske "protiv" je glasalo 10 poslanika, pa će se, prema tome, i ovaj prijedlog zakona razmatrati u redovnoj proceduri.

**Ad – 23. Zahtjev Vijeća ministara BiH za razmatranje Prijedloga zakona o izmjenama i dopunama Zakona o centralnoj evidenciji i razmjeni podataka po hitnom postupku, u skladu s članom 104. Poslovnika**

Nije bilo rasprave pa je odmah izvršeno glasanje o zahtjevu za proceduru.

"Za" su glasala 24 (Federacija BiH 20, Republika Srpska četiri), "protiv" tri, "uzdržan" jedan poslanik.

U Kolegiju je postignuta saglasnost, pa je predsjedavajući konstatirao da će se Prijedlog zakona iz ove tačke razmatrati po članu 104. Poslovnika.

**Ad – 24. Prijedlog zakona o lijekovima i medicinskim sredstvima u Bosni i Hercegovini (prvo čitanje)**

U uvodnim napomenama predsjedavajući je podsjetio poslanike na proceduru provedenu do sada o ovom predlogu zakona, kao i na amandmane koji su podneseni u plenarnoj fazi.

Nije bilo rasprave.

Sa 27 glasova "za" (Federacija BiH 17, Republika Srpska 10), tri "protiv" i jednim glasom "uzdržan" usvojen je Prijedlog zakona o lijekovima i medicinskim sredstvima u prvom čitanju.

**Ad – 25. Prijedlog zakona o izmjeni Zakona o Centralnoj banci Bosne i Hercegovine, s Izvještajem Komisije za finansije i budžet (predlagač: poslanik Jelina Đurković)**

Nije bilo rasprave, pa je predsjedavajući proveo glasanje o Izvještaju Komisije za finansije i budžet.

Izvještaj je usvojen sa 24 glasa "za", tri "protiv" i jednim glasom "uzdržan".

Predsjedavajući je konstatirao da je pao Prijedlog zakona o izmjeni Zakona o Centralnoj banci.

**Ad – 26. Prijedlog zakona o izmjenama i dopunama Zakona o porezu na dodatu vrijednost, s Izvještajem Komisije za finansije i budžet (predlagači: poslanici Kluba SDS-a)**

Nije bilo rasprave, pa je obavljeno glasanje o Izvještaju Komisije.

"Za" je glasalo 17 (Federacija BiH 15, Republika Srpska dva), "protiv" sedam, "uzdržana" dva poslanika.

Predsjedavajući je konstatirao da će se u Kolegiju naknadno provesti usaglašavanje o Izvještaju zbog nedostatka entitetske većine.



**Ad – 27. Odluka o predmetu, obimu i vrsti koncesije u svrhu izgradnje autoputa na Koridoru Vc**

Poslije uvodnih napomena predsjedavajućeg, u raspravi o Odluci učestvovali su: Momčilo Novaković, Beriz Belkić, Milorad Živković, Jozo Križanović, Mladen Potočnik, Miloš Jovanović, Ljiljana Milićević, Nikola Špirić, Ruža Sopta i Selim Bešliagić, kao i pomoćnik ministra komunikacija i prometa.

Poslije rasprave obavljeno je glasanje.

"Za" Prijedlog odluke glasalo je 19 (Federacija BiH 17, Republika Srpska dva), "protiv" šest, "uzdržana" tri poslanika.

Predsjedavajući je konstatirao da će se i o Prijedlogu odluke naknadno provesti usaglašavanje u Kolegiju kao komisiji.

**Ad - 28. i 29.**

Bez rasprave Dom je usvojio:

- Izvještaj o radu Zajedničke sigurnosno-obavještajne komisije za nadzor nad radom Obavještajno-sigurnosne agencije BiH za period april 2004 – juli 2006. i
- Izvještaj Administrativne komisije Predstavničkog doma za period 1.1. – 30.6.2006.

**Ad – 30. Godišnji izvještaj Ombudsmena za ljudska prava u BiH za 2004.**

U okviru ove tačke u raspravi su učestvovali: Beriz Belkić, Elmir Jahić, a u ime Ombudsmena govorili su Mariofil Ljubić i Safet Pašić.

Poslije rasprave Dom je jednoglasno usvojio Godišnji izvještaj Ombudsmena za ljudska prava u BiH za 2004., s Izvještajem Komisije za ljudska prava, imigraciju, izbjeglice i azil.

**Ad – 31. Specijalni izvještaj Ombudsmena za ljudska prava u BiH u vezi s usklađenošću Zakona o krivičnom postupku s članom 14. stav 5. Međunarodnog pakta o građanskim i političkim pravima**

O Specijalnom izvještaju diskutirali su Beriz Belkić i Tihomir Gligorić.

Dom je jednoglasno usvojio Specijalni izvještaj s Izvještajem Komisije za ljudska prava, imigraciju, izbjeglice i azil.

**Ad – 32. Specijalni izvještaj Ombudsmena za ljudska prava u BiH u vezi sa Zakonom o utvrđivanju i načinu izmirenja unutrašnjeg duga Republike Srpske i Zakona o utvrđivanju i načinu izmirenja unutrašnjih obaveza Federacije Bosne i Hercegovine**

Nije bilo rasprave.

I ovaj specijalni izvještaj usvojen je jednoglasno, s Izvještajem nadležne komisije.

**Ad – 33. Informacija o izdatim dozvolama za izvoz/uvoz oružja i vojne opreme u 2005.**

Predsjedavajući Martin Raguž podsjetio je na izvještaj Zajedničke komisije za odbrambenu i sigurnosnu politiku i na zaključke koji su u tom izvještaju predloženi domovima Parlamentarne skupštine na usvajanje.

Nije bilo rasprave.

S 25 glasova "za" i jednim glasom "uzdržan" prihvaćena je Informacija sa zaključcima koje je predložila Zajednička komisija, a koji glase:

1. Predstavnički dom Parlamentarne skupštine BiH podržava inicijativu datu nakon inspeksijske kontrole, kojom je konstatirano da postoje određena pitanja koja bi trebalo jedinstveno regulirati na teritoriji Bosne i Hercegovine, odnosno usaglasiti entitetske propise, bar u dijelu koji se odnosi na prava i obaveze pravnih lica koja se bave proizvodnjom i remontom naoružanja i vojne opreme.

2. Predstavnički dom sugerira Vijeću ministara BiH da razmotri potrebe i mogućnosti za osnivanje jednog organa na nivou Bosne i Hercegovine koji bi koordinirao poslove i promovirao namjensku industriju Bosne i Hercegovine.

#### **Ad – 34. Izvještaj Istražne komisije za utvrđivanje stepena zagađenja hidroekosistema u BiH**

Milorad Živković, u svojstvu predsjedavajućeg Istražne komisije, podnio je obrazloženje Izvještaja.

Predsjedavajući Martin Raguž zahvalio se Miloradu Živkoviću i članovima Istražne komisije, uz ocjenu da je Komisija savjesno i odgovorno uradila posao o veoma važnim pitanjima, rekavši da tako treba raditi i ubuduće, u smislu vođenja istražnih radnji o važnim pitanjima za zdravlje i život svakog stanovnika Bosne i Hercegovine.

Momčilo Novaković pridružio se ocjenama predsjedavajućeg u vezi s radom Komisije. Rekao je da podržava gotovo sve zaključke, ali da ima primjedbu na prvi zaključak u dijelu u kojem se govori o potrebi osnivanja agencije za zaštitu okoline, te iznio mišljenje da takav zaključak ne može biti rezultat rada jedne istražne komisije. Upitao je postoji li mogućnost da se u tom zaključku brišu riječi «s posebnim akcentom».

Milorad Živković odgovorio je da je preporučeno osnivanje agencije s ciljem jačanja aktivnosti na državnom nivou u oblasti zaštite okoline.

Nije bilo daljnje rasprave.

Dom je jednoglasno usvojio Izvještaj Istražne komisije, sa zaključcima koji su njegov sastavni dio.

#### **Ad – 35. Potvrđivanje Pravilnika o međunarodnim aktivnostima Parlamentarne skupštine BiH**

Mirsad Ćeman rekao je da mu se čini da Pravilnik sadrži materiju koja ne pripada tom aktu, da misli da bi značajan dio trebalo da bude sadržaj drugog akta, pa čak i Poslovnika, te da je to trebalo razgraničiti s više senzibiliteta.

Nije bilo daljnje rasprave, pa je obavljeno glasanje.

S 26 glasova "za" i dva glasa "uzdržana" potvrđen je Pravilnik o međunarodnim aktivnostima Parlamentarne skupštine BiH.

#### **Ad – 36. Prijedlog Vijeća ministara BiH za imenovanje člana Ureda za razmatranje žalbi – stručnjak iz oblasti javnih nabavki**

Nije bilo rasprave u okviru ove tačke.

Dom je jednoglasno imenovao Nikolinu Silak za člana Ureda za razmatranje žalbi.

#### **Ad – 37. Davanje saglasnosti za ratifikaciju Sporazuma između Bosne i Hercegovine i Republike Slovenije o izbjegavanju dvostrukog oporezivanja i sprečavanja utaje poreza u odnosu na poreze na dohodak i imovinu**

U raspravi su učestvovali Miloš Jovanović i Milorad Živković. Zatim je, s 27 glasova "za" i jednim "protiv", Dom dao saglasnost za ratifikaciju Sporazuma.

#### **Ad – 38: Prijedlog rezolucije (podnosilac: poslanik Mirsad Sipović)**

O Prijedlogu rezolucije, u svojstvu predlagača, kratko je govorio Mirsad Sipović.

Nije bilo rasprave. S 25 glasova "za" (Federacija 16, RS 9) i jednim glasom "uzdržanim" usvojena je Rezolucija.

Ovim je, u 17,10 sati, završena 84. sjednica Predstavničkog doma.

Sastavni dio Zapisnika je transkript 84. sjednice.

SEKRETAR  
PREDSTAVNIČKOG DOMA  
**Branka Todorović**

PREDSJEDAVAJUĆI  
PREDSTAVNIČKOG DOMA  
**Martin Raguž**